

## Ulon de miëura regules per l referendum!

### Dezider nstësc questions mpurtantes tres la democrazia direta

Nëus ti dajon la stima a nosc puliticheri acioche i nes reprejentëie. Ti dajon l pudëi pulitich per n tëmp determinà, scenó messes-sans nstësc dé nosta usc per dut. Ma l ie for inò nce tematches y proiec, de chëi che nëus nstësc ulon dezider. Chësc pudons sën fé per l prim iede tres n referendum nce te Südtirol.

Sambën te na maniera plu stleta che bona! Ajache l referendum funzionëia coche la maiuranza di puliticheri l uel: te na maniera scialdi limiteda y cun de gran mpedimënc. Cun l prim referendum provinziel pudons sën purté pro che i referendums sibe da manejé plu sauri dala zitadines y dai zitadins.

On laurà 15 ani ala longia per chësc obietif. Y cun la 26.000 ujes abinedes adum da d'ansciuda dl 2007 ons finalmënter arjont che la zitadines y i zitadins posse dezider nstësc n cont de miëura regules per l referendum: n dumënia, ai 25 de utober 2009 iela tan inant!

Sce nosc puliticheri muessa tenì cont de n referendum regulà te na maniera saurida per la zitadines y i zitadins, tenirai tl dauni nce plu cont dl cunsëns dla popolazion.

## Cie joa pa na miëura lege per la democrazia direta? La purbëssa:

### L'ultima parola al popul

La puscibltà de dezider tres n referendum sce na lege apurveda tl Cunsëi provinziel o na deliberazion mpurtanta dl guviern provinziel (p.e. n gran proiet) dësse jì n forzà.

### Manco burocrazia

L'abineda dla sotscrizions per n referendum dëssa unì fata plu saurida.

### Na cuota de partezipazion azetabla

Referendums ne daussa nia diventé mpuscibli mé per n nivel de partezipazion massa aut. I dëssa valëi pra na partezipazion de almanco l chindesc percënt de chi che à l dërt de lité.

### Referendums cun vela

Sce l Cunsëi provinziel ie de n'otra minonga che la proposta dla popolazion, pona dëssen pra l referendum avëi la puscibltà de lité tramedoi prupostes.


### Na nfirmazion ogetiva

L dëssa unì metù a despusizion n cudejel de vela ufiziel sun la tematica dl referendum cun la rejons cunsenzientes y cuntreses, che ti vën mandà n mëns dan la dumënia dl referendum a duta la zitadines y i zitadins che à l dërt de lité.

### Chemuns stersc

Nce i chemuns giapa l dërt de fé prupostes de referendums – mé nsci devënti propi autonomes ti cunfronc dla Provinzia.

Chisc ie i miuramënc plu mpurtanc, ma giut de no duc. Nosta pruposta de lege ntiera y mo d'otra nfirmazions pudëis udëi sun nosta plata internet.



Pra l prim referendum provinziel d'autonn de chësc ann pudëis dantaldut ënghe dezider coche la democrazia direta dassëssa funzioné tl dauni te Südtirol. Chësta ie na ucajian unica y na gran respunsablità. La lege che regulea ncuei l referendum, vëij danora che l vel mé sce almanco l 40 percënt de chi che à l dërt de lité tòl pert ala vela. Chël ie 156.000 zitadines y zitadins. Sce l mancia ënghe mé una na persona per arjonjer chisc 40 percënt ne resteral nia, ora che na gran delujion. Chësc ne daussa nia suzeder.

#### Doi cuestions nes sta dassënn a cuer:

Cuntëde a vosc cunescënc de chësc avvenimënt y jide a dé ju vosta usc. Uni usc conta, uniuna! Dijëde de sci ala "pruposta de lege provinziela per la democrazia direta – dërt de pruposta, dërt de nrescida, dërt de vela!"



Ti mandon n cudejel de nfirmazion a duta la families de Südtirol, partion ora plates de nfirmazion y tacon su placac. Chësc costa n grum de scioldi. Präibel judënes cun 10, 20 o 30 euro. Uni spendula per la democrazia nes porta mpue plu daujin a nosc travert:



#### Conto per la spendules:

Parola de recunescimënt: Volksabstimmung 2009  
Cassa Raiffeisen Bulsan

IBAN: IT53V 08081 11600 000300010332

De gra de cuer

#### 42 Urganisazions

AVS, KFS, Zentrela Cunsumadëures, Jugendring, VKE, sindacac, associazions per la natura y l ncësa y truepes deplù sustën deberieda chësta scumen-ciadiva populera per na miëura lege per la democrazia direta. La lista dla lia per plu democrazia ie da abiné tl internet:

[www.dirdemdi.org](http://www.dirdemdi.org)

Scumenciadiva per plu democrazia

Silbergasse 15, Bulsan

Tel 0471 324987, [info@dirdemdi.org](mailto:info@dirdemdi.org)



DEMOCRAZIA DIRETTA

# Ti usc conta



Tòl la dezijion  
per  
referendums  
giusc  
te Südtirol

ai 25 de utober dl 2009